



Broj/Број: 03/1-05-89/08  
Sarajevo/Сарајево: 5. 2. 2008. godine

**-članovima Zajedničke komisije za odbranu i sigurnost BiH**

**PREDMET:** Informacija o posjeti brigadnog generala Ulricha Heidera, direktora Odjela za sigurnosnu saradnju Misije OSCE-a u BiH

Zajednička komisija za odbranu i sigurnost primila je, 5.2.2008., u nastupnu posjetu brigadnog generala Ulricha Heidera, direktora Odjela za sigurnosnu saradnju Misije OSCE-a u BiH. Uz gosp. Heidera, u delegaciji OSCE-a još su bili i Christian Haupt, šef parlamentarne sekcije, te Tanja Pašić, prevodilac.

Iz Zajedničke komisije sastanku su prisustvovali: Branko Zrno, predsjedavajući Zajedničke komisije, Šefik Džaferović, prvi zamjenik predsjedavajućeg, Drago Kalabić, Adem Huskić i Jozo Križanović, članovi ZK, Dragica Hinić, sekretar, Željko Grubešić, stručni savjetnik, i Jovica Katić, stručni saradnik.

Članovi Zajedničke komisije izrazili su zadovoljstvo nastavkom saradnje s predstavnicima SR Njemačke u misijama međunarodne zajednice u BiH, posebno se osvrćući na dosadašnju saradnju s Odjelom za sigurnosnu saradnju Misije OSCE-a u BiH i ono što ih očekuje u 2008. godini. Poželjeli su generalu Heideru da i ovu misiju završi uspješno kao i sve prethodne. U budućem zajedničkom radu članovi Zajedničke komisije izrazili su nadu da će u Odjelu OSCE-a kojim on rukovodi imati partnera prilikom rješavanja svih pitanja, kao što je npr. pitanje prijenosa pokretne i nepokretne vojne imovine OSBiH, kao i prodaje i uništenja viška naoružanja, te drugih pitanja koja će BiH približiti NATO-u.

General Heider upoznao je članove Zajedničke komisije sa svojim dosadašnjim profesionalnim angažmanom. Naveo je da se, radeći na pitanjima sigurnosti u Ministarstvu odbrane SR Njemačke, u velikoj mjeri upoznao s radom Komisije za odbranu Bundestaga, te uvidio na koji se način u parlamentu donose odluke vezane za vojsku. U svojoj karijeri radio je još i u zračnim snagama, vojno-diplomatskom sektoru, te bio na poziciji višeg vojnog savjetnika OSCE-a u Beču, gdje je počeo da se interesira i radi na pitanjima koja su definirana Dejtonskim mirovnim sporazumom.

Pohvalio je dosadašnji rad Zajedničke komisije za odbranu i sigurnost PSBiH na provođenju cjelokupne legislative vezane za ovu oblast, naročito izražavajući zadovoljstvo dobrom saradnjom koju Komisija ima sa Odjelom OSCE-a na čijem je čelu. Istakao je spremnost da se ta saradnja nastavi i tokom 2008. godine. Pitanje pokretne vojne imovine OSBiH ocijenio je trenutno najvažnijim za rješavanje, ističući da je prije svega potrebno izvršiti prijenos ove imovine na državni nivo, potom napraviti plan raspolaganja ovom imovinom, te donijeti odluku o njoj. Kao prioritetan, Heider je naveo problem postojanja velike količine nestabilne municije, te potvrdio da će OSCE razmotriti sve mogućnosti kako bi se ovo pitanje u bliskoj budućnosti riješilo.

Predsjedavajući  
Zajedničke komisije  
**Branko Zrno**